



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Vita Francisci Borgiae Tertij Societatis Iesv Generalis**

**Ribadeneyra, Pedro de**

**Mogvntiae, 1603**

XV. In Lusitaniam, post in Galliam proficiscitur

**urn:nbn:de:hbz:466:1-45256**

352 DE VITA FRAN. BORG.  
fulerent, & de re Societatis  
publica agerent: quos, dum,  
temporis angustiae pariebantur,  
audiuit, hilaresque dimisit. Col-  
legia verò, qua iter haberet, li-  
benter inuisit, vt Socios praesens  
consolaretur, animosque diui-  
nis sermonibus reficeret:horta-  
returque ad reliquum vitae cur-  
riculum conficiendum, donec è  
carceribus ad calcem peruentum  
esset, feliciter.

CAPVT XV.

*In Lusitaniam, post in Galliam  
proficiscitur.*

**H**INC in Lusitaniam ma-  
dæ gratia, Legatus contendit.  
Occurrit in finibus, à Rege mis-  
sus Theodosij Ducis Brigantini  
frater Constantinus: qui in Ori-  
entis Indiae regnis regia auctori-  
tate

tate Prætor fuerat: nobilis iuxta  
ac pius, singularique in Socios,  
quæ propria eius familię laus est,  
benevolentia. Sebastianus Rex  
ad Oceani littus legato obviam  
processit, Dynastis omnibus sti-  
patus, & equitibus, quo nimi-  
rum studio Pontificis Legatos  
accipere maiores soliti erant.  
FRANCISCVM quoque co-  
mitter habuit: Catharina item a-  
uia illius, & Henricus regni  
Princeps Cardinalis. Hic expo-  
sita legatione publica, priuata  
quædam FRANCISCVS ne-  
gocia, Pontificis, & Philippi Re-  
gis mandato gessit, ad exitumq;  
perduxit. Madritum mox reuer-  
tuntur: paucosque dies ibi mo-  
rati, in Galliam per Pyranæos  
properant, stipante, Regis iussu  
Ferdinando Borgia FRANCISCI  
filio: vt qui gratulatum aduen-  
tum

tum

tum regia voce venerat, idem etiam discedentes prosequeretur.

In regni limite Vale postremum dicturus, parentis manibus, facta re diuina, panem Angelorum edit: quod enim donum a patre maius mortali in vita accipere filius potuit? Verbis deinde lacrymisque appellat. Deum *fili mi, time, & ama: in quo sunt omnia. Virtutem amplectere, & vitia, ut colubri faciem, fugito. Diuino honori potissimum consulito: cedant huic inanes mundi spes, atque deliciae.* Galliam mox ingressis, non perinde tutum, quietumque iter oblatum. Militaribus copiis plena Aquitania, factionibus hereticorum, qui arma Regem contra ferrent. Cernebant hic iniusti, ut lacrymas non tenerent, templa diruta, altaria profanata,  
ceno-

LIBER TERTIVS. 335

cœnobia solo equata: faciem de-  
niq; Reipub. deformatam. Ca-  
tholicos ab hæreticis vi oppres-  
sos, vel patrio solo exactos audi-  
ebant. Ut vno verbo dicam, ar-  
debat regnũ olim florentissimũ  
flamma bellorum civilium. Spe-  
ctanti hæc Francisco, animoque  
quotidie versanti, eo maiori in-  
dies dolori erant, quo magis ze-  
lo domus Domini ardebat. Et *Galenus*  
quia, vt à sapientissimis homini- *singulari*  
bus traditũ accepimus, animus *lib.*  
ager, corpus quoque; & contra,  
corpus animũ afficere solet: mor-  
bo tentari cœpit Franciscus, cui  
incommodo accessit & alterum:  
re enim diuina facta in templo  
semiruto, ventus languidũ, cor-  
pus vrgebat. cætera debilitatum  
longinquitineris tẽdio: eũ nõ satis  
firma pridẽ valetudine vteterur.  
Delati tandẽ aliquando, ineũte  
ver-

verno ieiuniorum tempore, Blesum, vbi Carolum eius nominis nonum, Regem Gallorum, Legatus reperit, & matrem Catharinam Mediceam. Vterque etiam FRANCISCVM humaniter accepit, libenterque audiuit, hortantem summa animi contentione, vt si regnum, olim florentissimum, cum esset idem & Christianissimum, saluum vellet, pro Catholica Religione omni ope ac viribus niterentur: cuius comes esset Pietas in DEVM, & Regum obedientia. Recens itaque exortas opiniones, tanquam incendium, statim extinguerent. Alia id genus addidit, quæ eodem tamen reciderent. Illi gratias agere, facturos se pro virili polliciti: orare interrim, DEVM precetur FRANCISCVS, vt intestinum bellum, caelestis

lestis iræ signum, à regno depel-  
 lat. Rebus gestis, domum in Ita-  
 liam reditum adornant. Mox in  
 pagum incidunt postridie Kal.  
 Februar. festo Purificationis die,  
 qui B. VIRGINI sacer est, & à  
 Græcis Hypopante appellatur.  
 Sacris itaque procurandis tem-  
 plum ingressis, parietibus, te&to-  
 que nudum apparet, & aram  
 duntaxat lapideam superesse.  
 Missæ vero sacrificio carere Fran-  
 ciscus nolebat. Hic grassante  
 vento, læsum est infirmum per  
 se corpus: utque tempestas frigi-  
 da erat, frigore corripitur. Mox  
 ardenti feбри ad languorem da-  
 tus: & animus assiduo mœrore  
 est victus, moleste ferens DEI  
 cultum, sponsamque Ecclesiam  
 neglectam iacere. Secum enim  
 identidem Regij illud Vatis re-  
 petebat: *DEVS, venerunt Gentes*

Psal. 78.

in

*in hereditatem tuam: polluerunt templum sanctum tuum. Et cum Elia Propheta querimoniam instituit. Domine, reliquerunt pactum tuum filij Israel: altaria tua destruxerunt, & Prophetas tuos occiderunt gladio. Hanc ipsam auitae Fidei calamitatem decennio ante praedixerat FRANCISCVS, datis litteris, ad Petrum Ribadeneyrum, Societatis presbyterum, de Gallis iam tum turbantibus, resque nouas molientibus.*

## CAPVT XVI.

*Morbus FRANCISCI, & iter Romam versus.*

**M**ORBO correptus, cum pedibus insistere FRANCISCVS non posset, in Allobrogum fines propere delatus, in Ioannis Morani oppido, vi morbi oppressus, haesit diutius.

Re-